

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2015/2068****2019/EES/49/38****frá 17. nóvember 2015****um ákvörðun, samkvæmt reglugerð Evrópuþingsins og ráðsins (ESB) nr. 517/2014, á sniði fyrir merkimiða fyrir vörur og búnað sem innihalda flúoraðar gróðurhúsalofttegundir (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 517/2014 frá 16. apríl 2014 um flúoraðar gróðurhúsalofttegundir og um niðurfellingu reglugerðar (EB) nr. 842/2006 ⁽¹⁾, einkum 14. mgr. 12. gr.,

og að teknu tilliti til eftirfarandi:

- 1) Ákvæði 12. gr. reglugerðar (ESB) nr. 517/2014 fela í sér tilteknar kröfur um merkingar fyrir vörur og búnað sem innihalda eða virka fyrir tilstilli flúoraðra gróðurhúsalofttegunda sem mælt er fyrir um í reglugerð framkvæmdastjórnarinnar (EB) nr. 1494/2007 ⁽²⁾ og frekari kröfur um merkingar fyrir frauð og flúoraðar gróðurhúsalofttegundir sem settar eru á markað til sértækrar notkunar.
- 2) Til glöggvunar þykir rétt að skilgreina nákvæmt orðalag þeirra upplýsinga sem eiga að koma fram á merkimiðunum sem um getur í 1. mgr. 12. gr. reglugerðar (ESB) nr. 517/2014 og setja fram kröfur sem tryggja sýnileika og læsileika slíkra merkimiða að því er varðar útlit þeirra og staðsetningu.
- 3) Til að tryggja að einn merkimiði sé notaður fyrir vörur sem innihalda flúoraðar gróðurhúsalofttegundir sem falla einnig undir reglugerð Evrópuþingsins og ráðsins (EB) nr. 1272/2008 ⁽³⁾, einkum fyrir merkingu á geymum, þ.m.t. tromlum, hólkum og tankbílum og járnbrautartankvögnum, ættu merkingarupplýsingarnar sem mælt er fyrir um í reglugerð (ESB) nr. 517/2014 að koma fram í rýminu fyrir viðbótarupplýsingar á merkimiðanum.
- 4) Því ætti að fella reglugerð (EB) nr. 1494/2007 úr gildi.
- 5) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót skv. 24. gr. reglugerðar (ESB) nr. 517/2014.

SAMÞYKKT REGLUGERÐ ÞESSA:

*1. gr.***Efni**

Í þessari reglugerð er sett fram snið merkimiðanna sem skal gilda um vöruhegundirnar og búnaðinn sem um getur í 1., 2. og 5. mgr. 12. gr. reglugerðar (ESB) nr. 517/2014 og um flúoraðar gróðurhúsalofttegundir sem um getur í 6.–12. mgr. 12. gr. þeirrar reglugerðar.

*2. gr.***Snið fyrir merkingu**

1. Upplýsingar á merkimiða skulu skera sig greinilega frá grunni merkimiðans og stærð leturs og bil milli orða skulu vera þannig að textinn sé auðlæsilegur. Ef upplýsingunum, sem krafist er samkvæmt þessari reglugerð, er bætt við á merkimiða, sem hefur þegar verið festur á viðkomandi vöru eða búnað, skal leturstærðin ekki vera minni en minnsta leturstærð annarra upplýsinga á merkimiðanum eða á nafnskilti eða á upplýsingamiða vöru.

(*) Þessi ESB-gerð birtist í Stjttð. ESB L 301, 18.11.2015, bls. 39. Hennar var getið í ákvörðun sameiginlegu EES-nefndarinnar nr. 161/2019 frá 14. júní 2019 um breytingu á II. viðauka (Tæknilegar reglugerðir, staðlar, prófanir og vottun) og XX. viðauka (Umhverfismál) við EES-samninginn (bíður birtingar).

⁽¹⁾ Stjttð. ESB L 150, 20.5.2014, bls. 195.

⁽²⁾ Reglugerð framkvæmdastjórnarinnar (EB) nr. 1494/2007 frá 17. desember 2007 um snið merkimiða og frekari kröfur um merkingar, í samræmi við reglugerð Evrópuþingsins og ráðsins (EB) nr. 842/2006, að því er varðar vörur og búnað sem innihalda tilteknar, flúoraðar gróðurhúsalofttegundir (Stjttð. ESB L 332, 18.12.2007, bls. 25).

⁽³⁾ Reglugerð Evrópuþingsins og ráðsins (EB) nr. 1272/2008 frá 16. desember 2008 um flokkun, merkingu og pökkun efna og blandna, um breytingu og niðurfellingu á tilskipunum 67/548/EBE og 1999/45/EB og um breytingu á reglugerð (EB) nr. 1907/2006 (Stjttð. ESB L 353, 31.12.2008, bls 1).

2. Allur merkimiðinn og upplýsingarnar á honum skulu vera þannig hönnuð að tryggt sé að hann haldist á vörinni eða búnaðinum og að hann sé auðlæsilegur við eðlilegar aðstæður allan þann tíma sem varan eða búnaðurinn inniheldur flúoraðar gróðurhúsalofttegundir.
3. Á vörum og búnaði, sem um getur í 1. mgr. 12. gr. reglugerðar (ESB) nr. 517/2014, skulu vera merkimiðar sem á eru upplýsingar skv. 3. mgr. 12. gr. reglugerðar (ESB) nr. 517/2014 þ.m.t. textinn „Inniheldur flúoraðar gróðurhúsalofttegundir“.
4. Þyngd flúoruðu gróðurhúsalofttegundanna skal gefin upp í kílóum og jafngildiseining koltvísýrings skal gefin upp í tonnum.
5. Þegar búnaður er fyrirframafylltur með flúoruðum gróðurhúsalofttegundum, eða hann virkar fyrir tilstilli þeirra, og slíkum lofttegundum er bætt við utan framleiðslustaðar og heildarmagnið er ekki tilgreint af framleiðanda, skal koma fram á merkimiðanum það magn sem sett var í á framleiðslustaðnum, eða það magn sem búnaðurinn er hannaður fyrir, og á miðanum skal vera rými fyrir það magn sem bætt er við utan framleiðslustaðarins, svo og fyrir heildarmagn flúoruðu gróðurhúsategundanna.
6. Þegar merkja á vöru, samkvæmt reglugerð (EB) nr. 1272/2008, sem inniheldur flúoraðar gróðurhúsalofttegundir eða forblönduð fjölkóhól skulu upplýsingarnar skv. 3. og 5.–12. mgr. 12. gr. reglugerðar (ESB) nr. 517/2014 koma fram í rýminu fyrir viðbótarupplýsingar á merkimiðanum, sem um getur í 25. gr. reglugerðar (EB) nr. 1272/2008.
7. Þegar flúoraðar gróðurhúsalofttegundir eru ætlaðar fyrir tiltekna notkun, skv. 6.–12. mgr. 12. gr. reglugerðar (ESB) nr. 517/2014, skal eftirfarandi texti koma fram á merkimiðanum:
 - a) „100% endurnýtt“ eða „100% endurunnið“: fyrir endurnýttar eða endurunnar flúoraðar gróðurhúsalofttegundir sem innihalda engar ónotaðar flúoraðar gróðurhúsalofttegundir. Heimilisfang starfsstöðvarinnar þar sem endurnýtingin eða endurvinnslan fer fram skal ná yfir heimilisfang hennar innan Sambandsins.
 - b) „Eingöngu flutt inn til förgunar“: fyrir magn flúoraðra gróðurhúsalofttegunda sem er flutt inn til förgunar.
 - c) „Eingöngu fyrir beinan útflutning í búlkum utan ESB“: fyrir magn flúoraðra gróðurhúsalofttegunda sem framleiðandi eða innflytjandi afhendir fyrirtæki fyrir beinan útflutning í búlkum frá ESB.
 - d) „Eingöngu til notkunar í herbúnað“: fyrir magn flúoraðra gróðurhúsalofttegunda sem á að nota í herbúnað.
 - e) „Eingöngu fyrir ætingu/hreinsun í hálfleiðaraiðnaði“: fyrir magn flúoraðra gróðurhúsalofttegunda sem á að nota í ætingu og hreinsun í hálfleiðaraiðnaði.
 - f) „Eingöngu til notkunar sem hráefni“: fyrir magn flúoraðra gróðurhúsalofttegunda sem er notað sem hráefni.
 - g) „Eingöngu til framleiðslu á innúðaskömmturum“: fyrir magn flúoraðra gróðurhúsalofttegunda sem er ætlað til inngjafar á lyfjafræðilegum innihaldsefnum í innúðaskömmturum.
8. Kæli- og loftræstibúnaður, sem og varmadætur, sem eru einangraðar með frauði blásnu með flúoruðum gróðurhúsalofttegundum skulu vera merktar með merkimiða með eftirfarandi texta: „Frauð blásið með flúoruðum gróðurhúsalofttegundum“.
9. Merkimiðarnir skulu vera staðsettir í samræmi við 4. mgr. 12. gr. reglugerðar (ESB) nr. 517/2014 og, ef hægt er, við hlið nafnskiltis eða upplýsingamiða vörunnar eða búnaðarins sem inniheldur flúoraðar gróðurhúsalofttegundir.

3. gr.

Niðurfelling

Reglugerð (EB) nr. 1494/2007 er felld úr gildi. Ákvæði c-liðar 1. mgr. 2. gr. reglugerðar (EB) nr. 1494/2007 gildir áfram til 1. janúar 2017 en til að fara að þessu ákvæði fyrir 1. janúar 2017 er fyrirtækjum þó heimilt að beita þegar ákvæðum c-liðar 3. mgr. 12. gr. reglugerðar (ESB) nr. 517/2014.

Líta ber á tilvísanir í reglugerð (EB) nr. 1494/2007 sem tilvísanir í þessa reglugerð og skulu þær lesnar með hliðsjón af samsvörunartöflunni í viðaukanum

4. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 17. nóvember 2015.

Fyrir hönd framkvæmdastjórnarinnar,

Jean-Claude JUNCKER

forseti.

VIDAUKI

Samsvörunartafla

Reglugerð (EB) nr. 1494/2007	Þessi reglugerð
1. gr.	1. gr.
1. mgr. 2. gr.	3. og 4. mgr. 2. gr.
2. mgr. 2. gr.	8. mgr. 2. gr.
3. mgr. 2. gr.	5. mgr. 2. gr.
4. mgr. 2. gr.	—
1. mgr. 3. gr.	—
2. mgr. 3. gr.	1. mgr. 2. gr.
3. mgr. 3. gr.	2. mgr. 2. gr.
1. mgr. 4. gr.	9. mgr. 2. gr.
2. mgr. 4. gr.	—
5. gr.	4. gr.